



Esp. kodea: 2024KZUD0010
Titularra: ARRASATE ZIENTZIA
ELKARTEA

Gaia: Sdo subvención

Hitzarmena

Arrasaten 2024ko abenduaren 20a

Arrasate zientzia Elkarte eta Arrasateko Udalaren arteko lankidetzaren hitzarmena: 2024 urtea

Alde batetik Maider Morras Azpiazu, Arrasateko Alkatea

Bestetik Javier Bengoa Leibar NAN 72.562.201 Arrasate Zientzia elkartearen presidentea

Alde biek hitzarmen hau sinatzeko gaitasuna aitortzen diote elkarri eta

ADIERAZI DUTE:

1.- Arrasate Zientzia Elkarte 1990 urtean sorturiko kultura elkarte da eta hauek dira erakundeak dituen helburu nagusiak:

- Arrasateko kultura eta natura ikertu, zabaldu eta gai horien inguruan aholkua ematea
- Ondarearen erabilera arrazionala bermatzeko Arrasateko baliabide historiko-artistiko eta naturalei buruz aholkua ematea
- Harremana eta lankidetzaren sustatzea antzeko helburua duten erakunde eta elkarteekin

2.- Arrasateko Udalak bere helburuen artean ditu Kultura ondarearen zaintza, kontserbazioa eta zabalkundea, bai eta herriko historiaren gaineko ikerketa bideratzea eta gizarteratzea ere.

3.- Bi erakundeak partekatzen dituzten helburuak ardatz hartuta Arrasate Zientzia Elkarteak 2024 urtean garatzeko ekintza zerrenda prestatu du, bai eta jarduera horiek burutzeko beharrezkoa izango litzatekeen diru baliabideen aurrekontua ere. . Zerrenda horretatik adostu da proiektu zerrenda zehatza, hitzarmenaren xede izango dena

4.- Arrasateko Udalak Arrasate Zientzia Elkarteak azken urteotan burutu duen jarduera laguntzeko, bultzatzeko eta egonkortzeko helburuarekin aurreikusi du 2024an udal aurrekontuan hitzarmen bidezko diru laguntza bideratzea elkarteak burutu asmo dituen proiektuak finantzatzeko.

5.-Hitzarmen hau gauzatzeko eskumena aitortzen dio Udalari 2/2016 Legeak, Toki Erakundeei buruzkoak. Legearen 17. Artikuluak jasotzen du Udalaren eskumen propioen artean hauxe “21) Udal-ondare historikoa babestea eta kontserbatzea, eta babes-plan bereziak eta katalogoak egitea eta onartzea”.

Alde biak bat etorri dira lankidetzaren hitzarmen hau sinatzeko, honako klausulen arabera:

KLAUSULAK

Kodea	BD24/03752	Udala	Arrasate/Mondragón	
CUDO	000.0055.AAA13KRT.H.bbwN			
URL	https://uzt.gipuzkoa.eus/PortalV/r/eu/55/AAA13KRT.H.bbwN			
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia.				



Esp. kodea: 2024KZUD0010
Titularra: ARRASATE ZIENTZIA
ELKARTEA

Gaia: Sdo subvención

Lehen: Arrasateko Udalak 14.000 euro bideratuko ditu 2024 urtean Arrasate Zientzia elkartearekin adostutako jarduerak —bigarren klausulan zehaztuak— finantzatzeko:

Bigarrena: Arrasate Zientzia Elkarteak 2024 urtean jarduera hauek burutzeko egitasmoa du:

- Hitzaldi zikloa antolatzea
- Etxe txikiei buruzko liburua argitaratzea
- Hainbat (lokalaren mantenua, hainbat erosketa eta hainbat proiektu txiki)

Proiektu zerrenda hau ez da itxia, eta gora beherak izan ditzake sor litezkeen lehentasun berrien arabera edota egitasmoen gauzatzeak ekar dezakeen aurrekontu aldaketak direla medio.

Hirugarrena: Laguntza ordainduko da bi zatitan:

- Laguntzaren %60, 8.400 euro, hitzarmena sinatu eta epe laburrean.
- Gainerakoa laguntzaren justifikazioa aurkeztu ondoren. Justifikazioa aurkeztu beharko da 2025eko urtarrilaren 30a baino lehen eta egin ahal izango da 2025eko laguntza deialdiak jasotako moduetako baten.

Laugarrena Arrasate zientzia Elkarteak aholkua emango dio Arrasateko Udalari natura ondarea edo kultura ondarearen gainean.

Bosgarrena: Arrasate Zientzia Elkarteak kaleratzen dituen kartel edota gainerako inprimaki eta abarretan, nahiz jendaurrean edota hedabideen aurrean egiten dituen agerraldietan Arrasateko Udalaren laguntza jasotzen duela adierazi beharko du.

Seigarrena. Hitzarmen honen bidez finantzatuko diren jardueren ondorioz lortutako emaitzen titulartasuna Arrasate Zientzia Elkartearena eta Arrasateko Udalarena izango da. Biek ala biek erabil ahal izango dituzte emaitza horiek erakundeek argitara eman ditzaketen informazioetan edozein dela euskarria.

Zazpigarrena. Hitzarmenaren jarraipena egiteko osatutako da lantaldea. Lan taldea hauek osatuko dute: Arrasateko Udalaren ordezkariak izango dira Kultura eta Euskara Batzordeko burua eta Kultura teknikaria, eta Arrasate Zientzia elkarteak ordezkaturiko dute Javier Bengoa eta Jose Angel Barrutibengoak, eta hiru hilabetetik behin elkartuko dira proiektuen garapenaren berri izateko.

Zortzigarrena: Indarraldia. Hitzarmen honen indarraldia 2024ko abenduaren 31 artekoa izango da.

Ados daudela adierazteko alde biek hitzarmen hau sinatu dute idazpuruan adierazitako egun eta lekuan

Arrasate zientzia elkarteak
Javier Bengoa Leibar

Arrasateko udala
Maider Morras Azpiazu

Kodea	BD24/03752	Udala	Arrasate/Mondragón	
CUDO	000.0055.AAA13KRT.H.bbwn			
URL	https://uzt.gipuzkoa.eus/PortalV/r/eu/55/AAA13KRT.H.bbwn			
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia.				